

UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koju zastupa policijski komesar, Generalni inspektor policije Nusret Selimović, (u daljem tekstu: Ugovorni organ)

i

BH Telecom d.d. Sarajevo, Franca Lehara 7, ID: 4200211100005, koga zastupa direktor Sedin Kahrman, (u daljem tekstu: Dobavljač)

zaključili su:

UGOVOR O NABAVCI USLUGA PRIJENOSA PODATAKA – KORPORATIVNI PRISTUP

Član 1.

Predmet ugovora je nabavka usluga prijenosa podataka – korporativni pristup za potrebe Uprave policije Ministarstva unutrašnjih poslova Kantona Sarajevo, i to:

- Jednokratno:
 - SIM kartica – 5 kom
 - Aktivacija usluge (Ipsec/bez Ipsec) – 1 kom
 - Aktivacija Shared Pool opcije – 1 kom.
- Mjesečno:
 - Pretplata za uslugu Korporativni pristup (Ipsec protokol/bez Ipsec protokola) – 1 mjeseci
 - Pretplata po kartici za prijenos podataka – 5
 - Ukupan paketski saobraćaj za 5 SIM kartica od ukupno 150 GB mjesečno uz aktiviranu „Shared pool“ opciju – 1

Nabavka je izvršena putem direktnog sporazuma, na osnovu Odluke broj 02-11-4-1379/21 od 11.03.2021. godine.

Ponuda Dobavljača broj: 02.2.2.2-33-346655-2/21 od 24.05.2021. godine je sastavni dio ovog ugovora.

Član 2.

Ukupna cijena predmetne nabavke usluga iznosi do 1.580,25 (jednahiljadpetstotinaosamdeset i 25/100) KM bez PDV-a.

Ukupna cijena predmetne nabavke usluga iznosi 1.848,89 (jednahiljadaosamstotinačetdesetosam i 89/100) KM sa PDV-om.

Dobavljač se obavezuje da se cijene iz Ponude neće mijenjati do isteka ovog ugovora.

Član 3.

Korištenje Korporativni pristup usluge uključuje uspostavu VPN grupe sa DATA GSM priključcima, kojima za IP komunikaciju putem GSM/UMTS mreže, je/će biti dodjeljen poseban APN (Access Point Name) i svakom priključku zasebna statička privatna IP Adresa. Integracija saobraćaja sa SIM kartica prema IP mreži Ugovornog organa bit će realizovana podizanjem Ipsec tunela protokola koji će omogućiti i komunikaciju u oba smjera na relaciji Server (Dobavljača) - Ugovorni organ, te komunikaciju prema željenim aplikativnim serverima i bazama podataka.

Dobavljač ima odgovornost za zaštitu i integritet podataka koji se generišu i razmjenjuju na ovaj način.

Član 4.

Dobavljač se obavezuje da će usluge iz člana 1. ovog ugovora izvršiti najkasnije u roku od 10 (deset) dana od dana prijema narudžbenice, na adresi Ugovornog organa.

Član 5.

Nakon izvršene usluge koja je predmet ovog ugovora vrši se kvalitativno – kvantitativna primopredaja, uz sačinjavanje radnog naloga. Radni nalog treba da sadrži: naziv firme, adresa, kontakt, broj, datum, nalogodavac, sve izvršene radnje, potpis Dobavljača i potpis lica iz nadležne organizacione jedinice Kriminalističko obavještajna jedinica Sektora za kriminalističku policiju kao ovlaštenog predstavnika Ugovornog organa. Radni nalog se izdaje u dva primjerka od kojih svaka strana zadržava po jedan.

Ukoliko se konstatuju određeni nedostaci u kvalitetu ili kvantitetu izvršenih usluga sačinit će se zapisnik o reklamaciji.

Član 6.

Dobavljač se obavezuje priznati reklamaciju na kvantitet i kvalitet izvršenih usluga, koja će biti praćena zapisnikom o reklamaciji, uz obavezno navođenje nedostataka izvršene usluge. Dobavljač je dužan da greške otkloni u roku od 7 (sedam) dana od dana sastavljanja zapisnika.

Usluga će se smatrati uredno izvršenom tek kada bude konstatovano da je primopredaja izvršena bez primjedbi.

Član 7.

Plaćanje se vrši u mjesečnim iznosima, u roku od 30 (trideset) dana od dana urednog izvršenja usluge i dostavljanja pojedinačne fakture, na tekući račun Dobavljača.

Uredno izvršenje usluge mjesečno potvrđuje nadležna organizaciona jedinica Kriminalističko obavještajna jedinica Sektora za kriminalističku policiju kao ovlašteni predstavnik Ugovornog organa.

Član 8.

U mjesečnu naknadu po priključku je uračunato 50 SMS poruka. Svaki naredni ostvareni SMS se naplaćuje u iznosu od 0,05 KM po SMS-u.

Član 9.

Na ostala prava i obaveze ugovornih strana, koja nisu regulisana ovim ugovorom, primjenjivat će se odredbe Zakona o obligacionim odnosima.

Član 10.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.


Član 11.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Član 12.

Ugovor stupa na snagu danom potpisivanja ovlaštenih predstavnika i traje do realizacije ugovorenih usluga i ugovorene vrijednosti, a najdalje do 31.12.2021. godine.

DOBAVLJAČ
BH Telecom d.d.
Sarajevo



direktor
Sedin Kahrman

Broj : 01-19-1139/21

Datum: _____

14-06-2021

UGOVORNI ORGAN
MUP KANTONA SARAJEVO
UPRAVA POLICIJE



POLICIJSKI KOMESAR
Generalni inspektor policije
Nusret Selimović

Broj: 02-11-4-1379-4/21

Datum: 28.05.2021. godine